

Morning Dogri (NSD) National News Bulletin 23-06-2024

आकाशवाणी

1. 18मीं लोकसभा दा पैह्ला इजलास कल्लै थमां शुरू होआ'रदा ऐ।
2. अज्ज होने आले नीट-पीजी दे दाखला मतेयान गी अगड़ा पाई दित्ता गोआ ऐ।
3. शिक्षा मंत्रालय नै राश्टी योग्यता ते दाखला मतेयान नीट-यूजी 2024 च कथित अनियमितताएं दा मामला सीबीआई गी सौंपी दित्ता ऐ।
4. भारती मानक ब्यूरो बीआईएस नै इलैक्टिक गडिडएं दी सुरक्षा बधाने आस्तै दं नमें मानक पेश कीते न।
5. टेबल टेनिस च भारती खडारन श्रीजा अकुला लागोस नाइजीरिया च जारी डब्ल्यूटीटी कंटेंडर प्रतियोगिता च महिलाएं दे सिंगल्स ते डबल्स दौनें दे गै फाइनल च पुज्जी गेइयां न।
6. मर्दे दे आईसीसी टी-20 क्रिकेट विश्व कप सुपर-8 मकाबले च कल बंगलादेश गी हराइयै भारत सैमीफाइनल च अपनी थाहर पक्की करने दे होर नेडे पुज्जी गोआ ऐ।

<><><><><><>

Parliament Session

18मीं लोकसभा दा पैह्ला इजलास कल्लै थमां शुरू होआ'रदा ऐ। इस दरान नमें चुने गेदे सांसदे गी सगंध दोआई जाग। वरिष्ठ बीजेपी सांसद भर्तृहरि महताब लोकसभा दे नमें सांसदे गी सगंध दोआगंन। महताब होरे गी अस्थाई अध्यक्ष बनाया गोआ ऐ। नमें लोकसभा अध्यक्ष दा चुनां इस म्हीने दी 26 तरीक गी होग। अगले दिन यानि 27 जून गी राश्टपति द्रौपदी मुर्मू होर लोकसभा ते राज्यसभा दे सांझे इजलास गी संबोधत करगंन। राज्यसभा दा इजलास 27 जून गी शुरू होग। संसद दा एह सत्र अगले म्हीने दी 3 तरीक गी सम्पन्न होई जाग।

<><><><><><>

NEET Examination

अज्ज होने आला नीट-पीजी मतेयान स्थगित करी दित्ता गोआ ऐ। मतेयान दी नमीं तरीक दी घोषणा तौले गै कीती जाग। सेहत मंत्रालय नै दस्सेआ ऐ जे एह फैसला किश मकाबलेबाजी आले मतेयान च कथित तौर पर अनियमितताएं दे हाल दे आरोपे दे मगरा लैता गोआ ऐ। मंत्रालय नै आखेआ ऐ जे एह फैसला विद्यार्थिएं दे हित च ते मतेयान प्रक्रिया दी विश्वसनीयता गी बनाई रखने लेई लैता गोआ ऐ। मंत्रालय नै कथित अनियमितताएं ते गड़बड़ी आले आरोपे दे चलदे मामले गी सीबीआई गी सौंपेआ ऐ। जारी इक ब्यानै च मंत्रालय नै आखेआ जे सरकार विद्यार्थिएं दे हित ते मतेयान प्रति भरोसे गी बनाई रखने लेई वचनबद्ध ऐ। मंत्रालय दा गलाना ऐ जे कोई बी व्यक्ति जां संगठन जेहड़ा इसदे च शामिल होग, गी बख्शेआ नेई जाग ते ओहदे खलाफ सख्त कारवाई कीती जाग।

<><><><><><>

NEET-CBI

शिक्षा मंत्रालय नै राश्ट्री योग्यता ते दाखल मतेयान नीट-यूजी 2024 च कथित अनियमितताएं दा मामला व्यापक जांच लेई केन्द्री जांच ब्यूरो सीबीआई गी सौंपी दित्ता ऐ। मंत्रालय नै इक ब्यान च आखेआ ऐ जे सरकार विद्यार्थिं दे हितें ते मतेयानें दी पवित्रता बनाई रखने लेई वचनबद्ध ऐ। जेगर कोई व्यक्ति जां संगठन इस मामले च शामिल पाया जंदा ऐ तां ओह्दे खलाफ सख्त कारवाई कीती जाग। केन्द्र सरकार नै मतेयानें च गड़बड़ी रोकने लेई सार्वजनिक मतेयानें च गलत तौर तरीकें दी रोकथाम सरबन्धी कनून-2024 गी लागू कीता ऐ। राश्ट्री परीक्षा अजेंसी एनटीए नै पिछले म्हीने दी 5 तरीक गी नीट-यूजी मतेयान करोआया हा। नतीजे औने दे बाद मतेयान च गलत तौर-तरीके बरते जाने ते जालसाजी दे आरोप लग्गे हे।

<><><><><><><><>

NEET Arrest

बिहार पुलस नै नीट-यूजी परीक्षा 2024 च तथाकथित गड़बड़िं दे सरबन्धे च झारखंड दे देवघर जिले थमां 6 जनें गी गिरफ्तार कीता ऐ। देवघर सदर एसडीपीओ ऋत्विक् श्रीवास्तव होरें दस्सेआ जे इनें संदिग्धे गी एम्स देवघर कोल देवीपुर पुलस थाना इलाके च इक किराए दे मकान थमां गिरफ्तार कीता गेआ ऐ। उंदी पंछान करने मगरा उनेंगी बिहार आंदा गेआ ऐ जित्थें इस मामले दी जांच पड़ताल बिहार पुलस दी आर्थिक अपराध इकाई आस्सेआ कीती जाग।

<><><><><><><><>

BIS EV

भारतीय मानक ब्यूरो बीआईएस नै इलैक्ट्रिक गडिडिं दी सुरक्षा बधाने आस्तै दऊं नमें मानकें आईएस-18590-2024 ते आईएस-18606-2024 दी रचना कीती ऐ। बीआईएस दे नमें मानकें कन्नै बिजली कन्नै चलने आली इलैक्ट्रिक गडिडिं लेई लोडचदे पुरजे पॉवरट्रेनस दे सुरक्षा स्तर गी जकीनी बनाया जाग। उंदे कन्नै पॉवरट्रेनस ते बैटरिं दी सुरक्षा ते विश्वसनियता जकीनी होई जाग। बीआईएस कोल इक इलैक्ट्रिक वाहन ते पुरजे दे 30 भारतीय मानक होई गे न, जेह्दे देसै गी मते टिकाऊ, पर्यावरण बचाने आले ते मते कारी दे यातायात सरिस्ते बक्खी लेई जाने आस्तै लाजमी न।

<><><><><><><><>

Table Tennis

भारत दी श्रीजा अकुंला नाइजीरिया दे लागोस चलै करदे डब्ल्यूटीटी कंटेंडर च महिलाएं दे सिगंल्स ते डबल्स दौने दे फाइनल मकाबले लेई अपनी थाहर पक्की करी लैती ऐ। एह्दे कन्नोकन्नी श्रीजा डब्ल्यूटीटी कंटेंडर दे फाइनल च पुज्जने आली पैहली भारतीय महिला खडारन बनी गेई ऐ। तोआई मर्दे दे डबल्स मकाबले च भारत दे हरमीत देसाई ते मानव विकास ठक्कर नै बी चीन दे कँग यरुडे ते निंग जिआनकुन गी सैमीफाइनल च 3-0 कन्नै हराइयै फाइनल च प्रवेश करी लैता ऐ। अज्ज उंदा खताबी मकाबला मेजबान मुल्ख दे ओलाजिडे ओमोतायो ते अजीन सोलांके कन्नै होग।

<><><><><><><><>

T-20 World Cup

मर्दे दे आईसीसी टी-20 विश्व कप दे इक मकाबले च कल भारत नै बंगलादेश गी 50 रंज कन्नै हराइयै अपना दबदबा जारी रखेआ। जंदी रातीं अटीगुआ दे सर विवियन रिचर्डस स्टेडियम च खेड्डे गेदे इस मैच च बंगलादेश नै टॉस जित्तियै भारत गी बल्लेबाजी करने लेई आखेआ। भारत नै 20एं ओवरें च 5 विकेटां मोआइयै 196 रंज बनाए। जित्त लेई लोड्डे 197 रंज दे लक्ष्य दा पिच्छा करदे होई बंगलादेश दी टीम पूरे 20 ओवर खेड्डियै 8एं विकेटें दे नुक्सान पर 146 रंज गै बनाई सकी। इस जित्त दे कन्नै गै भारत टी-20 विश्व कप दे सैमीफाइनल दे इक कदम होर नेडे पुज्जी गेआ ऐ। अफगानिस्तान ते आस्ट्रेलिया बश्कार एल्ले जारी मैच जेह्दे च अफगानिस्तान नै आस्ट्रेलिया अगुँ जित्त लेई 149 रंज दा लक्ष्य रखे दा ऐ, च जेकर आस्ट्रेलिया जित्ती जंदा ऐ तां भारत सैमीफाइनल लेई क्वालीफाई करी लैग। तोआई बंगलादेश कल दी हार दे बाद टूर्नामेंट चा बाहर होई गेआ ऐ।

<><><><><><>

Baramulla MP-NIA

नमीं दिल्ली दी पटियाला हाउस अदालतै जम्मू कश्मीर दी बारामुला सीट थमां नमें चुनोए दे सांसद इंजीनियर रशीद दी जमानत याचिका खलाफ जवाब दाखल करने आस्तै राष्ट्रीय जांच अर्जेसी गी समां दित्ता ऐ। बारामुला थमां सांसद इसलै अर्जेसी दी हिरासत च न ते सांसद दे तौर पर सगंध लैने आस्तै अंतरिम जमानत जां हिरासत पैरोल दी मंग करा'रदे न। एनआईए नै दस्सेआ ऐ जे याचिका पर संसद अधिकारिएं ते जेल अधिकारिएं कन्नै सोच बचार कीता जा'रदा ऐ। न्यायधीश किरण गुप्ता होरें मामले पर जवाब ते सुनवाई आस्तै पैहली जुलाई दी तरीक तैह कीती ऐ।

<><><><><><>